



## საქართველოს უზენაესი სასამართლო განჩინება

საქართველოს სახელით  
უზუსტობის აღმოფხვრის შესახებ

საქმე №357აპ-18

ბ----- მ-----, 357აპ-18

ქ. თბილისი

12 დეკემბერი, 2018 წელი

საქართველოს უზენაესი სასამართლოს სისხლის სამართლის საქმეთა  
პალატამ შემდეგი შემადგენლობით:

**პაატა სილაგაძე (თავმჯდომარე),  
გიორგი შავლიაშვილი, პაატა ქათამაძე**

ზეპირი მოსმენის გარეშე განიხილა საკითხი საქართველოს უზენაესი სასამართლოს სისხლის სამართლის საქმეთა პალატის მიერ 2018 წლის 7 ნოემბერს მსჯავრდებულ მ----- ბ-----ს მიმართ გამოტანილ განჩინებაში დაშვებული უზუსტობის აღმოფხვრის თაობაზე.

### **აღწერილობით-სამოტივაციო ნაწილი:**

1. საქართველოს უზენაესი სასამართლოს სისხლის სამართლის საქმეთა პალატის 2018 წლის 7 ნოემბერს მ----- ბ-----ს მიმართ გამოტანილ განჩინებაში დაშვებულია უზუსტობა, კერძოდ:

2. განჩინების შესავალ ნაწილში მითითებულია: „ზეპირი მოსმენის გარეშე შეამოწმა თბილისის სააპელაციო სასამართლოს სისხლის სამართლის საქმეთა პალატის 2018 წლის 23 მაისის განაჩენზე მსჯავრდებულ მ----- ბ-----ს საკასაციო საჩივრის დასაშვებობის საკითხი“, ხოლო აღწერილობითი ნაწილის მე-4 პუნქტში - „თბილისის სააპელაციო სასამართლოს სისხლის სამართლის საქმეთა პალატის 2018 წლის 23 მაისის განაჩენით რუსთავის საქალაქო სასამართლოს სისხლის სამართლის საქმეთა კოლეგიის 2017 წლის 9 ნოემბრის განაჩენი დარჩა უცვლელად“.

3. აღნიშნული წარმოადგენს საქართველოს სსსკ-ის 287-ე მუხლით გათვალისწინებულ უზუსტობას, რაც უნდა აღმოიფხვრას და განჩინების შესავალი ნაწილი უნდა ჩამოყალიბდეს შემდეგი რედაქციით: „ზეპირი მოსმენის გარეშე შეამოწმა თბილისის სააპელაციო სასამართლოს სისხლის სამართლის საქმეთა პალატის 2018 წლის 23 აპრილის განაჩენზე მსჯავრდებულ მ----- ხ-----ს საკასაციო საჩივრის დასაშვებობის საკითხი“, ხოლო აღწერილობითი ნაწილის მე-4 პუნქტი: „თბილისის სააპელაციო სასამართლოს სისხლის სამართლის საქმეთა პალატის 2018 წლის 23 აპრილის განაჩენით რუსთავის საქალაქო სასამართლოს სისხლის სამართლის საქმეთა კოლეგიის 2017 წლის 9 ნოემბრის განაჩენი დარჩა უცვლელად“.

4. პალატამ იხელმძღვანელა საქართველოს სსსკ-ის 287-ე მუხლის „ვ“ ქვეპუნქტით და

### **დაადგინა:**

1. გასწორდეს საქართველოს უზენაესი სასამართლოს სისხლის სამართლის საქმეთა პალატის 2018 წლის 7 ნოემბრის განჩინებაში გამოვლენილი უზუსტობა, კერძოდ:

2. განჩინების შესავალი ნაწილი ჩამოყალიბდეს შემდეგი რედაქციით:

3. „ზეპირი მოსმენის გარეშე შეამოწმა თბილისის სააპელაციო სასამართლოს სისხლის სამართლის საქმეთა პალატის 2018 წლის 23 აპრილის განაჩენზე მსჯავრდებულ მ----- ხ-----ს საკასაციო საჩივრის დასაშვებობის საკითხი“

4. განჩინების აღწერილობითი ნაწილის მე-4 პუნქტი ჩამოყალიბდეს შემდეგი რედაქციით:

„თბილისის სააპელაციო სასამართლოს სისხლის სამართლის საქმეთა პალატის 2018 წლის 23 აპრილის განაჩენით რუსთავის საქალაქო სასამართლოს სისხლის სამართლის საქმეთა კოლეგიის 2017 წლის 9 ნოემბრის განაჩენი დარჩა უცვლელად“.

5. აღნიშნული განჩინება წარმოადგენს საქართველოს უზენაესი სასამართლოს სისხლის სამართლის საქმეთა პალატის 2018 წლის 7 ნოემბრის განჩინების განუყოფელ ნაწილს.

6. განჩინება საბოლოოა და არ საჩივრდება.

თავმჯდომარე

პ. სილაგაძე

მოსამართლეები:

გ. შავლიაშვილი

პ. ქათამაძე